

La BCG investescha en la regiun da Domat

La sala da clients vegn renovada e la cussegliaziun amplifitgada

Cuira, ils 30 da matg 2018 – Glindesdi proxim cumenzan las lavurs da transfurmaziun en la sedia regiunala da la BCG a Domat. Las clientas ed ils clients pon en l'avegnir profitar d'ina nova sala da clients e d'in nov concept da cussegliaziun en in ambient modern. La reavertura ha lieu ils 23 da fanadur 2018.

Las spetgas envers ina banca moderna èn sa midadas. Pli e pli savens fan las clientas ed ils clients bleras fatschentas da banca via chanals electronics. En las filialas van els cunzunt per cussegliaziuns personalas. Ir per daners al spurtegl – quai capita pli e pli darar. La BCG reagescha sin quest svilup ed adattescha la [sedia regiunala da Domat](#) – sia terza sedia pli gronda – a questas pretaisas.

Dapli cussegliaziun en in ambient modern

Dals 4 da zercladur fin ils 22 da fanadur 2018 transfurmescha la BCG cumpletmain sia sala da clients da la sedia regiunala a Domat. Durant la fasa da renovaziun pon las clientas ed ils clients far tut ils affars da banca en il provisoriu situà en la curt interna (access sur la Via Plaz). A partir da l'avertura che ha lieu ils 23 da fanadur 2018 pon las clientas ed ils clients profitar da novas localitads e d'ina nova moda da cussegliaziun. Natiralmain èsi er en l'avegnir pussaivel da retrair daners al spurtegl, però a moda moderna. Per la BCG a Domat valan era suenter la renovaziun las uras d'avertura sco d'enfin qua: da glindesdi fin venderdi da las 8.30 fin las 12.00 e da las 13.30 fin las 17.30.

Metter en il center il contact personal – extender soluziuns digitalas

«Discurs da cussegliaziun individuals èn pussaivels betg mo en banca, mabain sin dumonda er a chasa tar las clientas ed ils clients», suttastritga Damian Jensky, manader regiun da Domat, l'impurtanza dal contact personal. Il medem mument investescha la BCG en sias purschidas digitalas. Exempels èn il [center da clientella](#), nua che clientas e clients pon empustar online e laschar trametter a chasa daner contant. Plinavant l'[e-banking](#), il [mobile banking](#), las pussaivladads da pajar cun il telefonin [TWINT](#), [Apple Pay](#) e [Samsung Pay](#) sco era pajar senza contact cun la [carta Maestro](#) e la [carta da credit](#). Dapli davart las soluziuns online per far fatschentas da banca da tut temp chattais Vus sut gkb.ch/digital.

Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 985 collavuraturas e collavuradors (stadi dals 31-12-2017). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 25,6 milliardas in gudogn dal concern da CHF 180,3 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestrial 2018: 26 da fanadur 2018
Quint annual 2018: 8 da favrer 2019
